



稽留山人集目錄

第七卷

敝帚集

詩一百二首

辛丑春仲偕振音之天寧寺訪申臯盟不遇歸憇慈
仁松下率成五首是日機石先生飯僧隆安予二人
不及從 臥病十首 送包水部樞臣奉使之鳩茲

送方貽下第歸省大母 題畫再送方貽 又題

陳章侯淵明採菊圖贈方貽 送姚樂臣明府之任

海昌 龔太君輓詞 立夏後二日同友醉飲蘆林

酒肆奉和子箕一首 送翁用公之任思恩 贈同

里顧秀升 送宋其武分守南昌 輓胡太夫人六

首 題畫慰王山長下第 送查聲止南歸 題畫

又贈查聲止 贈汪采臣 燕市 訓王子箕留別

四首 送嚴辰臣進士南歸 辛丑八月將出燕山

留別邸中知交 辛丑八月將歸里克生以素箋索

書走筆遂成一律六橋煙水相遲投綸此歡真不淺

也 金范若同客金臺辛丑八月余將理歸楫范若

羈滯未行握手臨岐情不可忍遂成一律情見乎詞

走筆再別克生 留別庶華 留別子政 壽吳

君材先生 為袁尊素壽 贈朱秋茹兼訂買山之

約 八月二十有七日芝麓先生置酒慈仁松下寵

行座有無稱固庵仲調顥亭晉度醉後口占卽事

訓吳長庚太史送別四首 九月三日舟泊張灣同

自天和尙胡翹羽又申遊城北廢寺觀前朝所遺鐵

猶作 張灣城中觀故巡漕大中丞李公三才牌坊

振音侍封公扶王母靈舁登舟早發還都會阻大

風宿通州因行北郭謁李卓吾墓書來詩以紀之

潞河舟中寄固庵言別 潞河舟中奉寄宛委先生

言別 潞河舟中寄顥亭言別八首 自天津衛至

楊柳青書所見 訓同里吳雁市 朱耆清歸省川

途同行舟中率贈 欵乃歌五首 辛丑十月五日

遊清淵大寧寺登千佛閣 過分水龍王廟下有懷
乙未年所題之句 南旺謁宋司空祠和丘瓊山李
西崖一絕句 任城古蹟遙和施愚山二首 呈瑞
光自天和尙十四韻 寄朱鐵庵明府 出秦郵湖
贈張介客 歸至邗關胡道南侍御挽同度歲上
元後登舟留別四首

稽留山人集第七卷

辛丑

詩一百二首

武水陳祚明肩倩氏著

辛丑春仲偕振音之天寧寺訪申鳧盟不遇歸憇慈
仁松下率成五首是日機石先生飯僧隆安予二
人不及從

春踏西郊路花宮並馬羈僧房尋阿士寶塔仰諸天鈴語
碣相答旛風裊自懸莊嚴知不壞累劫大隋年

其二

疎慵懷刺嬾曠達上書輕命駕聊乘興投閒共此行主人
何必見佛界有餘清繞塔無辭匝虛檐起梵聲

其三

半里城闌隔中天佛日幽嗟峨瞻寶塔喧雜聽 皇州界
潤金誰布壇荒碣尚畱吾生耽寂寞稅駕欲長休

其四

顧步攀鞍緩聯翩走馬齊不忘雙老樹更入一招提葉漸
春深綠濤生樹杪低每來看未足悔失碧山棲

其五

聞道隆安寺齋堂亦飯僧耆英唯白老尊宿定南能杖執
何須仲車隨獨後應虛空都說法在遠聽原曾

臥病十首

臥病何曾起窻闌日晷低肺乾甘水尻頭眩戀牀棲畏客
應門緩呼童捉被齊兀然消萬慮渾不夢山溪

其二

莫驗參苓劑全枯土木身賣文增患渴多病畏長貧不治
驚覘氣何方可谷神未能忘故國實已厭迷津

其三

燕山寒不減垂柳未芳菲歌任三彈鋏春經六換衣貧家
資旅食高枕送遲暉病過朱門少何緣乞米歸

其四

耽酒無眠數荒淫解腐腸病猶堪勿藥憂故自能傷王粲

何曾壽虞翻亦未狂不言知己少信美是他鄉

其五

葛龔工豈敢袁虎捷無難文欲如人意詩爭著字安奉金
扶杖起積牘委牀看定使頭風愈定不翻悲骨髓乾定也

其六

病腎艱徒步無車苦獨行隔墻搯杖影高枕叩門聲客莫
仍投刺吾非好裸裎近來眠食減羸瘵怯逢迎

其七

下士能虛左簪纓有數公相存車每駐隔歲刺無通折東
虛頻召清樽久未同不成真避世衰朽臥墻東

其八

久客鄉人至知名國士交卽如驟從鞞不棄漆投膠鄰巷
艱携屐家書自解包嬾還疎服食藥裹亦全拋

其九

亦未膏肓匿虛勞和緩多却醫非漢祖尚默效維摩下榻
歌身立焚香送客過總成疎筆研吾道付江河

其十

豈不懷鄉里他時西子湖畫船歌皂帽深柳就黃墟僕病
歸皆嬾能從興未孤脾衰忘食味無意憶蓴鱸

送包水部樞臣奉使之鳩茲

七年燕市稱狂客同里僊郎愛酒徒小史調絃常顧曲大
巫吮筆正研都星爲漢使乘槎遠雪有王生躡履孤夢日
亭邊芳草碧可容樽酒泛江湖

送方貽下第歸省大母

莫嗟上策仍淪落得似終軍尚少年歸代花時親獻壽恆
依竹下定稱賢梧桐棊几開書卷楊柳紅橋泛酒船倘憶
京華畱滯客秋來頻有尺書傳

題畫再送方貽

依稀記得是西湖水影山光入畫圖京洛風塵淹七載汝
歸泛楫一愁無

又題陳章侯淵明採菊圖贈方貽

再送歸航我尚畱鄉心隨爾到杭州菊花時節如相憶家
釀遙將慰客愁

送姚樂臣明府之任海昌

廣陵才子知名素梁園久擅觀濤賦試宰初通金閨籍種
花始向河陽去鹽官之邑臨江門城南沙濶潮吐吞紫微
東接橫山路其中杳藹桑麻村年來戰伐供輸急下瀨戈
船去不息丁夫芻粟煩里正府帖下鄉鷄犬匿交通胥吏
閭里豪忍剝農民虎生翼誅求豈盡公稅額敲朴不顧貧
家力君去應勞撫字心身不下堂惟鼓琴隔界飛蝗避麥

壠依人馴雉鳴桑陰我本西湖釣魚者買田十畝青山下
佃人歲入苦無多寓戶征徭慮非寡況是東西南北人家
中兄弟長苦辛踐更雜役如寬假不異吹將黍谷春

龔太君輓詞

隧道鸞車杳秋風鶴翼陰望廬元老哭藏壑秘宮深戀
闕慈顏失遺栢故澤尋涕零霑茂栢悔未早抽簪

其二

從來汲黯重幸匪范滂時道直遷頻左官微去不宜入
朝隨委佩愛日闕披帷栢省烏飛匝空違反哺時

其三

社日曾聞哭春風亦彩衣大名羊發就純孝傳咸歸正慟
遺弓墜還哀夜績稀君親雙沫泣并使寸心違

其四

投閒猶歷試求舊屬維新去爲喪慈母畱虛滯小臣幾時
仍聽履不遣遂扶輜未副泉臺望無思江上綸

立夏後二日同友人飲蘆林酒肆奉和子箕一首
野曠郊壇近莊在酒肆清柳疎綠岸蠹蘆短刺池生選勝
遺軒冕忘形肖弟兄醉脣齊物意濠上羨魚輕

送翁用公之任思恩

西陵才子終賈流南宮上策早見收金闈通籍試宰邑百

粵萬里之邊州古來此地待遷客瘴癘千山魑魅宅居人
患氣仗檳榔臘月無霜服絺綌倚巖築砦多獠民間說清
時尚不臣酷有狼心知鬪力難通鳥語總文身君才未讓
朝歌長盤錯應堪理捨攘不然種樹在河陽詞賦風流亦
高爽如何一命投炎荒襍被却去雲蒼茫趁墟夜語山魃
雜窺戶宵啼俚鬼狂三年報最一千日絕徼閒居意蕭瑟
却病自烹丹鼎砂學書僅有鷄毛筆環江水碧帶溪清山
繞官齋翠作城彈琴有暇奇文就寂寞應垂著述名

贈同里顧秀升

長安爲客賤吾有倦游嗟那復裝携鋏從知筆是花雕蟲
誰識爾匪虎獨無家不及仍高臥門依谷口霞

其二

孔璋千載筆書記自翩翩莫果鷓鴣腹虛陪鸚鵡筵醉宜
千日酒書讓一囊錢李趙經過地何人信汝賢

送宋其武分守南昌

豈厭承明地南州始一麾貧官嗟索米瘠土試褰帷觀察
諸侯重謙恭外吏卑扈游會獻賦武帝喜同時

其二

才子無雙譽科名第二人彤庭趨講幄帳殿從詞臣賦
政非投外分憂試牧民江山携綵筆氣象感星辰

其三

秋色匡廬近滄茫彭蠡湖濯纓清並似躡屐興非孤霞傍
長天鷺江饒八月鱸滕王高閣上日暮望 京無

其四

忘分交非薄他鄉聚倍歡過從無日夜慰藉及饑寒竟作
鴻泥散先愁鴈字難夢中饒識路江月浩漫漫

輓胡太夫人六首

遂往乘蓮座常聞咏栢舟許身求母諒命世啟孫謀燕關
朱門大稽山石表畱人生誰滿百高節已千秋

其二

未亡初晝哭載震喜先生板蕩辭鄉國飄零入帝京含館
看卜相夢草總難兄再世傳經力艱難孟母情

其三

莫竟鳴機教非徒製錦材家風齊萬石爵秩已三台羹爲
皇姑作梨看穉子推令終占介福不必慟泉臺

其四

耳目衰猶未膏肓疾未深竟辭多壽祝去慰九原心辟穀
身如蛻持經舌是金無生應不壞淨土竹蕭森

其五

孫貴 丹綸錫身賢彤管傳懷清羞但築列女正須編獨

有將疏淚何如負米還元公重慟哭尚短報劉年

其六

貳膳當年祝新聲樂府翻纔推亥字紀已悼婺星昏壁嬰
陳靈几珉碑表墓門乘車紼乍輓作誄筆仍援

題畫慰王山長下第

雪堂山人知名久胸中雲夢吞八九自可南歸行掉頭何
須西向笑開口

其二

卽去扁舟興不孤爲君圖作洞庭湖君山一點曾波上芳
草萋萋遍綠蕪

其三

槐市春風絳帳師幽居不必怨逢時忘情且飲陶潛酒感
遇休吟趙壹詩

送查聲止南歸

東海孝子目流血搏膺慟哭先人穴椎埋掘塚爾何人忍
使臯魚魂斷絕當路誰爲趙廣漢緩追逸賊獄不決叩閣
重趼走燕山鬢鬢虎豹當天關椎心飲恨却歸去素衣染
淚紅斑斑把君之衣拭君淚勸君隱忍開愁顏精誠有感
格天道亦好還君不見庶女叩心哭風雨下擊齊臺間篤
行傍看似曾閔才名況復儕馬班五陵惡少會伏法茂栢

深松覆畚鍤純孝應書彤管編清時待給承明札

題畫又贈查聲止

秋色淒迷並海東蒼蒼博博恨無窮十年道上皐魚淚多在青山茂栢中

贈汪采臣是介公叔

嗣宗惟作逢長愛竹林潛萬壑鄣山曲羣峯白嶽尖波瀾五字穩點畫六書嚴因偶青雲器無將白眼嫌

燕市

燕市屠酤認酒人葛衣芒屨溷風塵扁舟偶爾來游洛故里歸歟且在陳干請疎狂翻避客隱居老大不謀身田園

井稅逢新額難學躬耕鄭子真

訓王子箕畱別四首

晚逢逢時術豈疎蹇歸溪上子雲居金閨遂欲先通籍北關何妨更上書

其二

城北青村接徑山茆堂迴在白雲間卽歸紀謀仍趨侍自有求羊最徃還

其三

三春挾策久畱秦朱邸黃門有密親座上酒狂偏汎愛不知軒冕是何人

其四

先歸看上潞河船腸斷河梁贈別篇歲杪直將還故里雪中乘輿到門前

送嚴扈臣進士南歸

嚴助知名三十年褐衣初釋傳車旋共君兄弟交能久同舍羈棲去獨先九日茱萸應泛酒雙湖楊柳更登船未分棗縣朝正晚飛鳥歸來已是僊

辛丑八月將出燕山畱別邸中知交

燕山下葉露淒淒久客扁舟指舊溪祖席開樽還共飲輕裘有劍故仍携預期朋好過門數未見兒童與案齊

陌逢迎驅馬慣鄉園委巷恐翻迷

其二

年年朱邸曳長裾上客多慚食有魚賦豈班揚名浪得交多李趙迹還疎賣文何似千金壽縱酒無辭一石餘張翰登舟元漫興陳蕃懸榻未妨虛

其三

遊倦相如襍被輕成都四壁有餘清瀕行分俸煩知己惜別登車揖上卿多病不堪仍授簡卽歸何處可躬耕關河七載來時路榆柳成圍又此行

其四

鳳城故里背西湖躡屐青山遍綠蕪垂老親朋憐賤子未
埋兄嫂哭遺孤逃名不可藏深谷相識殊多在此都他日
饑驅重作客江鄉肯許戀尊鱸

辛丑八月將歸里克生以素箋索書走筆遂成一律
六橋烟水相遲投綸此歡真不淺也

共作金臺客君今後我歸秋風携賦筆朔雪上征衣笛思
梅花落春光柳絮飛羣峯漾湖水殊有釣魚磯

金范若同客金臺辛丑八月余將理歸楫范若羈滯
未行握手臨岐情不可忍遂成一律情見乎詞
共有還丹願那堪客遠鄉卽歸非竟隱憐子尚迷方慎莫

矜鸚鵡無妨典驪驢它時真避世同采紫芝香

走筆再別克生

木落燕山候舟船始欲歸不知胡彥國何日到漁磯

畱別庶華

此行真憶爾卒業是何年無盡三冬漏應須讀百篇

畱別子政

我昔送君歸君今見我去何時同結茆西溪水清處

壽吳君材先生

吳雁市
尊人

我里前輩多長者掇皮皆真無一假阡陌蹊田翻飲牛子
弟舉鞭教數馬世人徃徃輕老成高車駟馬工逢迎豈識

前賢愛篤行管寧王烈千秋名先生恬淡多隱德抱甕漢
陰機早息意氣囊橐千金輕神明鬢髮七旬黑有子才如
王仲宣作詩斗酒成百篇說秦十上未見答世上誰得知
其賢京華與我同作客良璞不剖長嘆息爲說高堂年已
老乞我一言獻蘭席人生上壽應滿百才子金閨能射策
垂老仍看著錦衣春風自可娛泉石

爲袁尊素壽

昔我定交不草草韓子倦遊張公老名流江左友二秦聖
秋每說袁安好南來把臂西子湖里中孫生嚴與吳相看
落落有真意傾許然諾惟吾徒二十年來君半百風塵仍

作鄭莊客掀髯片語人輸心揮手千金獨不惜歲寒之交
比松栢耐可湖山弄泉石有興常開若下尊高棲何必藍
田宅

贈朱秋茹兼訂買山之約

我交吳九無稱二十年數月不見心惘然便欲挈家禹航住

頗有素友堪周旋舊交王大虹白與王二箕子拏舟定肯來門

前南村兄弟更不少真率見說朱四賢茆堂一區竹三徑
倘得遂意長高眠陽崖陰壑竟卜築勞君爲我尋幽便但
期沉醉貧亦足酒價何妨斗十千

八月二十有七日芝麓先生置酒慈仁松下寵行座

有無稱固菴仲調顥亭晉度醉後口占卽事
人間此樹千秋內見我來游已七年揮手自茲孤客去攀
條重列上公筵卽歸杳杳投青岫長憶蒼蒼亘遠烟沉醉
莫辭仍滿引忘形何處得羣賢

酬吳長庚太史送別四首

秋風衰柳上歸船回首金臺隱暮烟莫謂故人多欸曲新
知惜別更相憐

其二

曲江風雅屬探花散直延英燭影斜朱陌垂鞭尋下客無
人知向子雲家

其三

閉門豈有太元經賞識桓談眼故青投刺何時曾識面不
堪揮手便離亭

其四

聞名未見已相思腸斷河梁蘇李詩燈火西湖頻倚檻遙
知藜閣校書時

九月三日舟泊張灣同自天和尙胡翹羽又申遊城

北廢寺觀前朝所遺鐵猫作

黯然將理楫晏坐尚維舟欲見前朝物同爲廢寺遊千鈞
成不易百鍊久寧柔棄置何須惜風霜數百秋

其二

戈船初下瀨，賴爾定風濤。力撼蛟龍重，閒依灌藿高。埋身經幾代，拊手嘆吾曹。成毀知何極，金堅亦未牢。

張灣城中觀故巡漕大中丞李公三才牌坊

磊落中丞重，當年冠黨人。盛名材不小，物望氣難馴。國柄爭同臭，清流倚要津。雲霄標石闕，埽埴費陶甄。雜卉雕舒萼，蟠螭鏤躍鱗。一時驚絕煜，百代剩嶙峋。廟社悲他日，顛危憶大臣。甘陵南北部，若箇掃黃巾。

振音侍封公扶王母靈舁登舟早發還都會阻大風

宿通州因行北郭謁李卓吾墓書來詩以紀之

溫陵蒙莊流好道，亦任誕才高。失明哲委蛻，神蕭散荆榛。蔽墓門荒阡，連町唾堆阜。孤墳兀繡澁，殘碑斷何當。風塵暮不惜，僕馬瘡天道。良悠悠斯人，尚侃侃守身。古有訓著書，我獨嬾樗櫟。豈能賢斗筭，何足筭感時。豪傑希懷古，憑吊但茲遊。可千秋紀事存，彤管

潞河舟中寄固菴言別

吾聞古盛時，大才處大位。吁嗟韓夫子，卓犖青雲器。清風吉甫吟，古訓樊侯識。知名三十年，沈淪一郎吏。道高世莫容，名盛翻爲累。俯躬事晚生，性簡難諧媚。以病去微官，未老遭棄置。我昔友君時，壯歲力方剛。同臭八九人，兄弟如

鴈行張元老嗜學嚴渤少飛揚先兄激烈徒賤子獨清狂
論文意不逆把酒形俱忘記憶若疇昔二紀更星霜海水
生之桑存亡兩茫茫亡者長已矣存者還悲傷身強慎出
處蹙見懷死喪七年客京華與君共晨夕憂來命酒坐興
至看松適僕病常疎慵數月或睽隔閉門時相思開門少
行迹同遊尚如此乃況別離迫我始理歸裝君將息形役
白閣山出雲三竺泉咽石蕭條仲蔚居迢遞淵明宅相去
七千里追從乏羽翮握手泣無聲臨岐音不擇我歸豈終
隱乞食仍蓬遊居無二頃田妻孥不自謀亦知高臥難俛
仰行道周急湍漂斷梗溝水東西流庶有會面期前路方
悠悠山川是何地歲月知幾秋矧君五旬餘所志在林丘
我雖未四十白髮被滿頭此非少壯別那不深離憂行矣
難停輪且爲一日畱殷勤挈榼至旨酒和且柔餘勇更一
鼓老興傾百甌旣醉喚柰何屢舞不可休迴身抱君臂淚
下安能收此夜不極歡來日難相求惻惻下堦拜渺渺登
舟往夢見尚持罇覺聞已蕩槩百年思聚面三日有餘想
北首潞河道東流大川廣頽沙散鳧鷗枉渚蔽榛莽情人
多纏綿志士能慨慷無生況同學聞道在吾黨精誠若金
石處不異天壤三生見猶識一別何悒快藉此慰遠懷悲
來言恐罔

潞河舟中奉寄宛委先生言別

人生投分合有神得意那論故與新安知疎狂老作客先
生一見嗜我真居然下榻非孺子不似開閣矜平津棄家
憐我久失路嗟我貧高堂哭社扶匱去許我更作舟中賓
千里不齎糧一身但襜被更與還山貲卜築將可冀無能
不知足多義莫爲市固羨古人高未問斯人媿丁寧握手
約前期慘淡出門吞別淚登舟途方遙結念情伊始先生
本是臯夔徒汎愛巢許胡爲乎翼翼小心自敬畏茫茫天
下須匡扶此行遂欲皂帽隱不忍遽忘珠履趨更乞一屨
可容滕却來或定將妻孥脫粟飽飯酒滿盃歲寒復有衣

裘需馮驩之家倘校計但解彈鋏無他圖噫嗟嗟但解彈
鋏無他圖左右或厭先生殊不識中書更幾考得共扁舟
適五湖

潞河舟中寄顯亭言別八首

別君詩就晚情至語偏稀詎爲交能久無關客與依琴言
非在指酒性可通微竟展風帆去翻憎不共歸

其二

真成十日飲恨少僅千觴取醉輕分手當歌豫斷腸荆高
何事愛嵇阮不徒狂擊楫波濤闊如澠詎可忘

其三

弟兄情倍過纖芥迹還無置腹心交易分身手共須中微
爭善謹慮百匪殊途晨夕忘真樂驚離欲喪吾

其四

遂往何曾止將行不我畱鴈臣飛子子鹿草呼吻吻那可
無家慣懸知獨宦愁定須擠去住且飲故忘憂

其五

盡却羣公名連宵醉不醒柰何它日恨莫放此杯停檻菊
花初紫河檉葉尚青未將搖落態增我怨離亭

其六

語默何妨異悲歡共不辭得金常見與巧宦豈相期善卷

仍如矢爲裝計立錐有懷通彼我不語但銜卮

其七

鳳山吾里在茗水有湖清借隱人生樂深逃世上名定能
輕解組翻恐失躬耕別更他年苦無多此日情

其八

戀戀燕山邸飄飄潞水船卽如魂已失無復淚堪懸漸遠
頻遷日重歡指隔年寒宵兩地燭形影各相憐

自天津衛至楊柳青書所見

津門南去近長安新屋村村傍水干室有秋成編秫護暮
休力作抱兒看舟憑百丈徐徐度月愛三秋皎皎寒苦旱

江南翻困劇卽愁比戶已凋殘

訓同里吳鴈市

吳子鴈市畱連燕山會予言歸投我長什述其悽愴治裝歎暇闕相訓答清淵舟中作此篇以明意

古道緬已亡噴流成薄俗文人憇相輕矜率澆淳朴佻佻
純袴兒與書不能讀被裘策肥馬華纓照丹轂垂鞭睨老
成左顧命僮僕嘍喏市人言叱咤爭趣速門子況閒都祭
粲儒衣服詩書畧上口文采頗彬郁遇鵲賦能成矢口言
無復同時鄙儉父東家笑者宿竹箭未括羽白圭失磨琢
才高尤悔多干祿昧百福之子賈生儔好古日不足義皇
邈有慕丘墳實其腹幼婦碑不疑圖碁局可覆槐市試一

經簡珠溷魚目仗劔來京華風雨試櫛沐上書通貴游抱
璧求銜鬻書記陳琳擅作奏葛龔熟使代諸老生議事成
均塾人人如其意一一得所欲在心誦豫成借手書聊錄
嗟乎未易材失意徒雌伏敝衣草爲帶履下似人足鄙夫
飽食肉藪藪方有穀此子不逢時慘淡窮途哭懷中刺字
漫徒步何迫蹙往來狹邪陌貧賤一身獨向我吐襟期諠
重辭亦復爲恭肯俯躬下問不知辱我本巖耕人乞食此
奔逐無家但彈鋏嗜酒愛擊筑飄泊迹何殊因依分有夙
苔異岑幸同蘭如氣逾馥慷慨叩唾壺長歌陳欵曲上言
師友諒淵源自邦族冰水子所宗車笠我曾篤以茲託殷

勤執禮過謙肅中言總卅年沈深嗜細牘避兵去城邑赤
脚踏林谷草間手一編白雪映空屋下言貧也傷負米供
饘粥俛首就有司違願冀微祿此懷今尚阻天命實不淑
汗漫之上都足胝手皮瘃倉黃無前期蔽芾悲采穀愛子
如南金未剖惜良璞微名元晏非延譽林宗惡連城寶璠
璵千里騰驥驟雄文既高步守己矧卑牧金閨會見收窮
達如轉燭客舍慎加餐崇德古所勗吾老畏後生三舍避
子玉隰桑欣既見有美中心服倘遂黃墟游把臂倚修竹
朱耆清歸省川途同行舟中率贈

三年璧水知名士通籍誰堪守一官襍被蹙辭金闕迴籃
輿扶上玉峯寒深蒿仲蔚蓬門靜香飯維摩丈室寬歸省
縱談齊物論棄繻它日更長安

欸乃歌五首

鳴鑼打鼓向明開舟重沙灣不肯迴左首撐篙右邊柁拂
拂船隨百丈來

其二

河邊十里望村莊堡子遙遙廿里強風急沙高牽不到津
頭桑棗掛斜陽

其三

侵星早發暮迷津月黑風酸霜滿身夜半須牽猶繞岸生

憎人喚作舟人

其四

高舸如山破浪遲
歌聲齊唱步參差
眼看珠斗垂垂墮
背指桅燈閃閃移

其五

撇篙捩柁急流中
牽纜何如但打篷
安得往來皆順水
更教南北解分風

辛丑十月五日遊清淵大寧寺登千佛閣

珠樓寶所上雲霄
檻外諸天絳節朝
龕有定光瞻右脇
梁棲化佛見音現千寮
跨河樓堞人烟逼
繞屋帆檣水驛遙
解

道恆沙皆幻土不妨落拓混漁樵

過分水龍王廟下有懷乙未年所題之句

漕河分水處謁廟舊徘徊
未遂勞筋息多增白髮來
津梁仍泛泛金碧故巍巍
生事何須問神功實大哉

南旺謁宋司空祠和丘瓊山李西崖一絕句

文皇當日念軍胥
導汶分流濟漕渠
詞客莫嗟明德遠
至今猶拜宋尚書

任城古蹟遙和施愚山二首

任城城上啟高樓
此地名因李白畱
見說山河非故國
依然風景已千秋
開軒歷歷星辰轉
倚檻茫茫汶泗流
我亦

登臨思把酒故人何處不勝愁

太白酒樓

城陰曲港古南池名蹟曾傳杜甫詩更築亭臺緣好事多
栽蒲柳學當時來游幾駐高人楫可語惟看我友碑安得
芙蕖開淥水晚涼森木坐銜卮

古南池

呈瑞光自天和尚十四韻

末法存開士無生得正宗龍天推未出瓢笠意何慵攝性
周千界隨方陟五峯形骸尊土木嘯傲寄雲松是法誰堪
說何人不可供通明辭聖解歡喜見音現金容閱藏曾無字
迎機別有鋒衲衣輕賜紫草屨稱扶筇接待侍前生願將承
異日從但多頭上髮不定雪中蹤嫁娶何須了谿山或許

逢清泉時洗鉢虛谷爲鳴鐘默對拈花笑旁看面壁恭平
生無宿諾薄劣倘優容

寄朱鐵菴明府

不見陶彭澤三秋託夢思種花應健在飲酒憶當時適願
無形役平情盡等夷出因風日好閒獨嘯歌空默坐焚香
晚徒行躡屐遲褰簾迎客笑荷杖有童隨早學三車義親
叅百丈師法身非悉達句眼似摩醯大地看猶幻虛舟應
不岐彈琴元偶爾仗劔任安之懷縣何須久龍門實愛奇
四科今夢卜獨立已傳詩昔日燕山邸春風廣座吹酒狂
能不厭禪悅是深期何肉無難斷陶名誓欲辭遂將持杖

從其柰轉蓬悲森森婁江畔蒼蒼鷺嶺屣籃輿堪在返重
爲覺狐疑

出秦郵湖

信宿秦郵曲遲回出淺潯波濤開遠目空濶滌煩襟風定
湖水合天寒野霧陰茫茫納淮汴今古共銷沈

贈張介客

憶昔平山路招尋酒共君寺名憐二曜岡勢憶三分定取
圯橋履遲歸華嶽雲飄零重把臂鬢髮白紛紛北橋太白亦云

歸至邗關胡道南侍御挽同度歲上元後登舟畱別

四首

不遠歸蓬戶仍畱就宿臺觀濤慚載筆投轄且銜杯命世
官齊筴同人燕鄴才罇前花滿眼應忘故園梅

其二

此地元名勝邗溝十萬家干戈戒困敝絲管歇繁華物力
紆飛輓人烟聚狹邪公餘觴詠興如水靜官衙

其三

堂把平山酒江觀八月濤人真歌菱樹利肯晰秋毫稷下
無車客梁園授簡叨椒觴逢獻歲春色上綈袍

其四

客游皆汗漫勝集共招携飄泊嗟萍水徘徊會雪泥華燈

醒醉眼短榻夢清溪明發扁舟路笙歌憶竹西

稽留山人集目錄

第八卷

敝帚集

詩六十一首

壬寅正月邗上喜見蒼浮訂還山之約 將發邗關

前一夕王貽上司李招同雅集卽事賦謝 邗溝遇

山左趙石寅賦贈 蒼浮招同周茂三斯與公泛舟

廣陵城隅卽事四首 到家賦四絕句 壬寅三月

方貽招同留僊自西眉山諸公泛湖登湖心亭卽和

留僊作 岳武穆墓下和留僊 和留僊淨慈寺訪

豁堂上人不遇之作 冷泉亭和蓀友樂天留僊

和留僊靈隱寺作 送陸左城往粵東省婦翁胡豹

生先生二首 贈禹航宋浣亭邑侯二首 贈王祉
叔先生二首 壬寅四月涉江訪機石先生卽事成
詩得十二首 重謁禹廟有感 謁南鎮祠次家表
兄張祖望壁間韻 遊張登子南華館二首 柯山
彤山 度東橋曹娥廟拜忠節諸先生主 吼山
贈紀子湘司李 壽王叅戎 寄懷饒陽司李章
澹公兼促舍弟康侯歸 寄懷宋其武 寄懷施愚
山 卜居吳山之麓漫成六首時壬寅七月 行可
叔鄰近來過語次漫成 康侯饒州歸會九月八日
先大兄誕辰夜話凄然有作 復送康侯弟之鄱陽

六首

稽留山人集卷第八

壬寅

詩六十一首

武水陳祚明詹倩氏著

壬寅正月邗上喜見蒼浮訂還山之約

十年何處有漁磯
同學飄零會面稀
燕市我真添白髮
邗溝君且浣緇衣
相逢涕下徐徐拜
好趁舟輕泛泛歸
垂老不堪仍溷俗
故鄉城郭未應非

將發邗關前一夕王貽上司李招同雅集卽事賦謝
佐郡何勞第一流
官梅東閣是揚州
蕭然坐對平山雨
有暇時登文選樓
月夕張燈吹鳳管
罇前揖客被羊裘
重畱歸棹緣高會
觴詠欣同逸少游

邗溝遇山左趙石寅賦贈

萬里河淮合當年浦上游別來頭盡白思爾夢難求南北
多岐路東西一水溝相逢真不意應為繫歸舟

蒼浮招同周茂三斯與公泛舟廣陵城隅卽事四首

有小記

辛丑冬予自燕山還里至廣陵留滯不歸壬寅正月二十有二日吳子蒼浮買小舟供伊蒲饌借若耶斯先生坐城隅水曲余偕周子茂三躡履往先一日天晴和約共泛舟河上登平山堂游大明寺因窺蜀井晨起雲四合已而天稍開霽行遂果蒼浮取酒一大甕置船頭兩岸河莊朱叢碧檻相鱗次往往有疎梅修竹柳芽欲吐因讀斯先生所為秋柳詩滌小卮命酒且飲且行度紅橋出水關望前津柳色杳藹無際茂三日此何異恆山綠柳長廊耶斯先生呼五木以柳為觴政項天風大作聲

如虎嘯出郭百武雨益注舟不可前乃假程氏小園避沾濕園有堂前臨清池列亂石梧數株梅兩樹嫋嫋向人命童子急煮酒疊為令泥首痛飲與纏綿不可休雨亦助人誼譁午迄未不止蒼浮曰自有此河來園亭迭興迭廢十年前荒榛瓦礫耳今稍稍有短垣拳石屋數椽花柳皆新植柔條翻風若三歲兒子學語時然郡人往往以晴明泛舟逢平山茲服笙歌為樂未有雨行者於千百年有今日於今日有我四人晦冥蕭條飲乃益豪夫蒼涼岑寂之境乃有真游今廣陵平原曷衍平山迤迤一坂耳獨以都會繁華擅勝千古四方人聞二十四橋名輒作佳麗想顧非有高山大川幽巖古洞足供登覽也游何必至平山天何必不雨飲不擇地不擇時卒風暴雨中途而坐荒園竹哀吟柳悲泣瀕洞高寒翻若在高山之巔大川之涘幽巖之下古洞之間謾謾似聞松風淙淙如有石瀨生千秋之感鼓百壺之興吾知隋煬統袴天子未常有我等今日之樂況瓌瓌者乎茂三以為然因相與劇醉登舟而返

廣陵城北路園榭舊繁華遠向平山去旁沿水郭斜短垣
分竹石小檻抱鶯花風雨游人少扁舟獨水涯

其二

盈盈惟綠水宛宛望平岡人爲名都集園經喪亂荒此行
從季子我欲吊歐陽尚遠山堂路蕭條飲不妨

其三

風偏欺艇子雲故壓人頭柔柳臨波舞深篁泥客畱千觴
頂此地他日夢揚州聚散曾何定茫茫萬古愁

其四

雨豈妨吾輩狂應笑聖人淋漓知飲酒欹側任沾巾水竹

何家垞風花不定身畱傳與來者茲是葛天民

到家賦四絕句

河水漣漪映木扉入門童孺共牽衣家人問訊休倉猝猶
恐身從夢裏歸

其二

兄子成家二女携各長兒輩與門齊老兄那不添華髮喜
極難禁抱袂啼

其三

乞食誰知已八年到家襍被轉蕭然烏裘總做何須惜季
子元無二頃田

其四

卽如生入玉門關小弟猶遲百粵還且愛棠花風裊裊愁
看芳草淚斑斑

壬寅三月方貽招同畱僊自西睂山諸公泛湖登湖

心亭卽和畱僊作

洩雲翳曾峯積霖漲羣壑理楫漾中流登茲湖心閣跳魚
水濺濺樵薪山濯濯波平滌綠蕪雨泫泫紅藥澄泓面深
廣宵靄映迴薄閱世莫川丘弔古悽城郭臺榭埋礎楹林
泉廢沉鑿鐵馬歘奔騰金牛莽寂寞百堵蕩爲墟孤亭巋
可樂天晴集游冶人散唳烏鵲兵氣生荆棘春光轉蘭若
遂有高軒遊復此泛舟酌卽事率爾懷有美斐然作述方
惋喪狗還轅邈歸鶴造感情靡窮屬和調已怍倘愛丘中
琴勿遺荒塗屨杖策苟同欣願言尋所托

岳武穆墓下和畱僊

不築祁連塚空傷去病魂卽教馬革裹寧受伏波寬半壁
支仍賴長城壞孰論湖山憑吊意慘淡筆須援

和畱僊淨慈寺訪豁堂上人不遇之作

花宮貝樹尚葱青殿倚南山石作屏廢塔歸雲棲鴿暗深
池出雨伏龍腥四禪瓢笠浮香海三藏樓臺轉石經便擬
竹林尋慧遠鐘聲日暮却愁聽

冷泉亭和蓀友樂天畱僊

峯插蓮花峻，泉猶德水清。石從天上墜，蘿掛鏡邊生。澗響孤亭逼，松風列岫橫。來游軒冕客，遂有掛瓢情。

和畱僊靈隱寺作

地異西垣勝，路入北山幽。初地通三竺，高樓瞰十洲。江湖朝鷺嶺，宮殿壓龍湫。月桂同花雨，巖泉借竹流。石飛渾欲去，猿呼窅難求。危徑飛梁接，孤亭碧澗浮。名僧將錫住，高士掛瓢畱。客忘區中想，詩從象外搜。倘携雙徑屐，簪合此中投。

送陸左城往粵東省婦翁胡豹生先生二首

萬里問羊城，纏綿親串情。不歸知宦薄，相見識翁清。命酒三山迴，還舟百丈輕。鹿門耆舊返，親視孔明耕。

其二

定有南征賦，炎方瘴莫辭。聽持樂令理，遙獻惠連詩。翡翠窺書篋，枕椰蔭講帷。不須嗟晚達，爲撫伏波碑。

贈禹航宋浣亭邑侯二首

青山天目近，茗溪湖畔桃花路。欲逃百里耕耘安，井邑十年供億困。烝黎春風自擾柔，陰雉曉日初鳴樹。上鷄乘輿扁舟尋，父老南村樂土共招携。

其二

卽知巖邑有疲氓下客陽鱗或近名聞說車驅來茂宰有時堂上事耆英鳴琴獨愛門如水種樹應教花滿城四國觀風還負襁東菑著籍問春耕

贈王祉叔先生二首

泉石驚羣盜牆東乍卜居地仍饒水竹室可貯琴書懸重堂前榻停憎戶外車閉門容我到三徑雜花疎

其二

二方才並達夫子道何高竹外橋能作花時屐肯勞書成藏未出名在久安逃適意聊齊物人看愛濁醪

壬寅四月涉江訪機石先生卽事成詩得十二首

渡江漁舸遡風輕沙上肩輿欵欵行浦溼漸通仍買棹桑榆垂暮且爭程雨添萬壑溪流碧山映千章夏木清稍近柯亭川愈廣維舟遙望越王城

其二

會稽城在鏡湖中城內清流曲曲通客子船舷衝岸入人家樓閣跨河同橋邊市闌緣青麓檻畔舟穿礙碧叢爲問春卿何處宅東昌坊去更投東

其三

艤舟石岸似花源山勢飛來水到門卜築林泉多逸趣隔江風雨一相存幽窻穩下南州榻綠野平開金谷園適欲

鋤瓜翻倒屣將因驚座爲開樽

其四

甲第高門第一家朱杠碧榜接明霞堂因舊築多依樹園
是初成爲種瓜時雨懷新生荳葉薰風却掃落榴花燕臺
迎養情偏繫水國棲遲興尚賒

其五

花裏迴廊曲檻低學閒書館屋頭題春深梅橘從遮暗客
至兒童侍立齊風月祇談茶再熟簾櫳不捲日平西門前
車馬何曾報自有求羊手並携

其六

館後幽軒花木香冷然入座北風涼輕輕書几裁青竹丹
井茶烟出粉墻憇息衣冠容並解過從賓主欲相忘肯將
俗客來天上共話無辭夏日長

其七

小垣花竹故玲瓏枕簟書齋臥夕春四月羲皇風早至九
京曾閔夢應從問安猶誤鷄鳴起隔歲將營馬鬣封豈戀
當堦翻藥草淹畱端爲種深松

其八

迤西堂遠地仍偏桂樹青經數百年已愛條分張翠幙有
時花落布金田最宜遲月邀賓客柰廢歌詩罷管絃遙夕

元公思繞膝膠枝只夢小山烟

其九

披帷寂靜室疑虛綺季高齋坐讀書出郭但持夫子杖到
門深謝貴人車殊方莫慰晨昏共溷俗難辭禮法疎解道
心空應及第孝廉端不羨簪裾

其十

迢迢永巷度層樓忽敞平軒面綠疇自有雙園堪日涉新
鋤一徑許吾游木奴小翠香初種竹柵疎黃短更幽莫惜
名花開已徧萋萋芳草出池頭

其十一

東園果蓏更葱青隙地誅茆葢小亭雜樹頻搖風乍至新
篁徐響雨初聽柳縈瓜蔓堪三摘屐破苔衣實屢經但賣
青錢饒酒價吾徒避暑日沉冥

其十二

扁舟乘興暫來過大隱先生野趣多躡屐巡園花窅靄開
簾隨地樹婆娑詩須百首吟堪遍酒恨連宵飲易醅垂老
無家因感慨幽棲何處碧山阿

重謁禹廟有感

明德千秋遠荒陵祀夏王更爲崇窆石直擬架梅梁地抱
羣峯碧庭含萬木蒼平成雖永賴底慎復難忘

謁南鎮祠次家表兄張祖望壁間韻

維南扶地缺象嶽插雲高秩亞三公貴功撐八柱牢青蒼
通帝座突兀壓江濤一體人神祀仍思大禹勞

游張登子南華館二首

水面浮山小岡前闕宇寬喜多喬木秀相映大川寒位置
樓臺好經綸竹石安風流想前輩解組此投竿

其二

金谷年年在烏衣世世賢秫田高嶂雨花經小欄烟石立
爭峯勢牆分換洞天只疑僊路遠非復晉山川

柯山

鑿山因採石爲像遂叅天迸水雲根破因龕梵閣懸
開絕壁黝黑俯重淵險絕堪遺世何時此定禪

彤山

翠嶂插湖心爲園水石深劃流分沼碧面壁置樓陰盤曲
穿危磴分明見遠岑半巖吾欲嘯君聽鳳鸞音

度東橋曹娥廟拜忠節諸先生主

東郭烟波濶長橋跨彩虹珠宮祀河女丹廡拜羣公珮響
千山月旗飄五夜風千秋忠孝烈一氣古今同

吼山

犬亭一片石斧鑿競神工峯矗擎芝蓋巖開吐竹叢閣雲

高不墮窺日礙仍通洞口盤樟結崖陰滴乳融山形藏寺
密壁影倒潭空魚樂從相引鼉輕不可同背樓堪避暑真
擬息微躬

贈紀子湘司李

冀關人英重滄江法曜懸登車逢劇郡報最已初年大雅
雄文擅高名制策傳六經供斷獄半刺裕揮絃景運新圖
啟頽流重典專小懲芟莠引周內省株連坐石寃仍達翳
棠蔭詎偏欲欺民不忍克允 帝稱賢丹筆宵無憾青山
地是僊烟霞三竺屐燈火聖湖船春色分堤柳薰風對沼
蓮花簪潞國酒詩和大蘇篇盛代尊循吏金閨待右遷卽

看來瑣闥自可賦甘泉宗伯開京邸高間接宇屢賢兄同
宴席下士屢周旋每示陽春曲朋從夜月天飄零初入洛
畱滯老游燕始息還轅轍將鋤負郭田歌風來宇下躡履
更堂前獎借資王儉因依識惠連不才能講德倘許從賓
筵

壽王叅戎

愛客昔者先兄存素心結納如弟昆每問陶潛訪栗里時
招朱亥過彞門君家宗伯天下士意氣風華古無比懷人
詩卷和陽春匣裏龍泉看秋水三江孤舟泛白波相許肝
鬲心無他小弟歛衣侍坐側臨風搖筆常高歌是時年齒

君方壯長弓大戟森相向下馬入門鬚髯張當筵命酒神
氣王三十年間人事殊黃巾銅馬傾京都新朝稍稍用名
儁舊友徃徃沉泥塗謀謨邦禮資真儒君亦戴纛清南隅
髀肉漸生功未立一官濩落徒區區徃歲送君慶卿里今
日逢君西子湖白頭赤心自突兀青山綠野懷歌呼人生
窮達不足論所貴知己聊歡娛愧我寂寞揚雄廬蕭條蓬
戶繩爲樞結駟難容布廣座清酒不得將百壺仰天長嘯
歌烏烏雲臺銅柱今已蕪君今不飲何爲乎

寄懷饒陽司李章澹公兼促舍弟康侯歸

君在鄱陽吏事清康郎湖上彩舟輕爰書義與春秋合新
語編來早暮成千里迴尋秋月夢十年長耐歲寒盟依劉
季子迴橈未愁使歸裝累老兄

寄懷宋其武

不得鄱陽湖上書洪都使者近何如新涼痺病愁難愈舊
好音書莫訝疎對月可能仍嗜酒觀風且更一登車卽知
老大滄洲感不爲承明戀漢廬

寄懷施愚山

滄江薄宦且淹留玉筍名山攬轡游七子今時多寂寞三
年異地總離愁相思遣弟隨飛蓋失路憐予只敝裘嬾慢
幸能文選定何時却寄待刪修

卜居吳山之麓漫成六首時壬寅七月

四壁何曾有衡門得掩關
喧湫憎近市曠望喜依山
室各匡牀倚庭容短杖閒
先人門戶計風雨飽嘗艱

其二

不廣三重屋偏昂五百金
質猶虧半值來遂倚孤岑
畏厭先支棟將遷止抱琴
十年營半畝得不慰巢林

其三

本戀溪山隱蕭然水竹居
避兵翻畏僻希世未容疎
邸逼東藩要山懸小閣虛
竟非高士里幸謝貴人車

其四

豈買山中宅逢人更乞錢
敢勞官長問多愧友朋憐
遲客營三徑爲氓受一廛
白衣樓際望相近菊花天

其五

倘遂誅茅便堂標采菽名
風興兄弟共嗣續子孫成
竹待他年翠荆含一本榮
高門吾不羨聚族喜和平

其六

乞食吾仍出何能遂此棲
安寧藏木主奔迸免山妻
樹色平湖近人烟萬井低
薊門千里客歸夢預憂迷

行可叔鄰近來過語次漫成

卜垞依吾叔山居小巷分
近時悲老病往事總浮雲
來便

催茶熟歸寧畏日曛莫增疇昔感鬢已白紛紛

康侯饒州歸會九月八日先大兄誕辰夜話凄然有

作

驚心日近重陽節屈指人亡十七年暫卜吳山居倘定遠
從楚水弟初還尚無馬鬣封丘壠難乞猪肝奠几筵多幸
生存翻涕淚因成不寐語燈前

復送康侯弟之鄱陽六首

辛苦鄱陽客艱難南粵行千篇詩總好萬里路多更暫返
逢予在全家見汝情爲歡無二月那可又孤征

其二

南北東西路飄飄爾我愁緣疎計然策非愛尚平游斲到
家如客長多宿是舟十年兄弟樂屈指僅今秋

其三

自我燕山出千金陸賈裝泥沙償取債松栢欲休糧實賴
西江水俄空季子囊饑驅勞獨去膂力幸方剛

其四

不煖堂中席工吟客裏詩嬌啼女善病蠻語妾尤悲瘦弱
輕湍險歡娛忘歲時今年伏臘燭千里楚山陲

其五

我昔邗溝臘將歸已復留汝今楚水楫歲晚不言愁在客

開新曆離居變白頭何時除夕夜盡室駐杭州

其六

汝依劉表幕行止傍推遷我亦春明去重登張翰船迂儒
將賦筆儉歲乞人錢饜足愁無日同歸未卜年

